



REPUBLIKA E SHQIPËRISË

UNIVERSITETI I ARTEVE
BORDI I ADMINISTRIMIT

Nr. 1325/1 Prot.

Tiranë, më 25.08.2025

VENDIM

Nr. 8 DATË 25/08/2025

PËR
PROPOZIMIN E 1 (NJË) NDRYSHIMI NË STATUTIN E UNIVERSITETIT TË
ARTEVE

Në mbështetje të nenit 33, pika 2 dhe nenit 49, pika 1, germa “gj” të ligjit nr. 80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, të nenit 48, pika 1, germa “b” të Statutit të Universitetit të Arteve, të miratuar me urdhrin nr. 71, datë 15.02.2024 të Ministrit të Arsimit dhe Sportit “Për miratimin e disa ndryshimeve në Statutin e Universitetit të Arteve”, Bordi i Administrimit të UART, në mbledhjen e datës 25.08.2025,

VENDOSI:

1. Propozimin e 1 (një) ndryshimi në Statutin e Universitetit të Arteve, si më poshtë:

- Në nenin 55, pika 3/2, pas fjalës “mësimdhënies”, të hiqet togfjalëshi “dhe atë financiar”.

“3.2. Anëtarët e personelit akademik që kanë fituar titullin akademik “Profesor në Arte”, ekuivalent me “Profesor”, dhe “Profesor i Asociuar në Arte”, ekuivalent me “Profesor i Asociuar”, do të gëzojnë të njëjtat të drejta si mbajtësit e titujve “Profesor” dhe “Profesor i Asociuar” vetëm për efekt të mësimdhënies dhe atë financiar, pa gëzuar të drejtën e të zgjedhurit apo emëruarit në pozicione që kërkojnë personel akademik nga kategoria “Profesor”.

2. Ky vendim t’i përcillet Senatit Akademik për miratim.
3. Ngarkohen për zbatimin e këtij vendimi strukturat përgjegjëse në Universitetin e Arteve.

Ky vendim hyn në fuqi menjëherë.

BORDI I ADMINISTRIMIT I UNIVERSITETIT TË ARTEVE

Lavdrim SAHITAJ



(Kryetar)

Prof. Besnik Bisha

(Anëtar)

Prof. Asoc. Dr. Sokol SARAÇI




(Anëtar)

Lorenc VANGJELI




(Anëtar)

Vladimir Llakaj



(Anëtar)





REPUBLIKA E SHQIPËRISË

MINISTRIA E ARSIMIT DHE SPORTIT

DREJTORIA E PËRGJITHSHME RREGULLTORE PËR ARSIMIN DHE SPORTIN
DREJTORIA E PROGRAMIMIT, STANDARDIZIMIT DHE HARMONIZIMIT
TË KUADRIT RREGULLATOR

Nr. 827/14 prot.

Tiranë, më 15.02, 2024

Lënda: Dërgohet urdhër për njohje dhe zbatim

UNIVERSITETIT TË ARTEVE

Adresa: Bulevardi "Dëshmorët e Kombit", Sheshi "Nënë Tereza"

Në përgjigje të shkresës suaj nr. 144/5 prot., datë 09.02.2024, protokolluar në Ministrinë e Arsimit dhe Sportit me nr. 827/1 prot, datë 12.02.2024, bashkëlidhur ju dërgojmë për njohje dhe zbatim urdhrin nr. 71, datë 15.02, 2024 "Për miratimin e disa ndryshimeve në statutin e Universitetit të Arteve".

Duke ju falënderuar për bashkëpunimin,

SEKRETAR I PËRGJITHSHËM

Erzen Tola





REPUBLIKA E SHQIPËRISË
MINISTRIA E ARSIMIT DHE SPORTIT

Nr. 827/13 Prot.

Tiranë, më 15.02. 2024

URDHËR

Nr. 71, datë 15.02. 2024

PËR
MIRATIMIN E DISA NDRYSHIMEVE NË STATUTIN E UNIVERSITETIT TË
ARTEVE

Në mbështetje të nenit 102 të Kushtetutës, të nenit 33 të ligjit nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë" dhe shkronjës "gj" të pikës 2 të urdhrin nr. 566, datë 5.10.2023, të Ministrin të Arsimit dhe Sportit "Për delegimin e kompetencave dhe caktimin e detyrave të zëvendësministrit të arsimit dhe sportit, znj. Albana Tole",

URDHËROJ:

- Miratimin e disa ndryshimeve në Statutin e Universitetit të Arteve, të miratuar me urdhrin nr. 319, datë 13.9.2021, të Ministrin të Arsimit, Sportit dhe Rinisë, "Për miratimin e statutit të Universitetit të Arteve", sipas propozimeve të vendimit të Bordit të Administrimit nr. 27/2 datë 06.2.2024 dhe të vendimit nr. 27/2 datë 07.02.2024 të Senatit Akademik.
- Ndryshimet në statutin e Universitetit të Arteve, miratohen sipas përcaktimeve të kuadrit ligjor në fuqi dhe këtij statuti.
- Ndryshimet e statutit të Universitetit të Arteve, hyjnë në fuqi pas hyrjes në fuqi të këtij urdhri.
- Ngarkohet për zbatimin e këtij urdhri Sekretari i Përgjithshëm, Drejtorja e Përgjithshme Rregullatore për Arsimin dhe Sportin në Ministrinë e Arsimit dhe Sportit dhe Universiteti i Arteve.

Ky urdhër hyn në fuqi menjëherë.

ZËVENDËSMINISTRI

Albana Tole


ALBANA TOLE



REPUBLIKA E SHQIPËRISË


UNIVERSITETI I ARTEVE

STATUTI
I
UNIVERSITETIT TË ARTEVE



MIRATUAR
ME VENDIMIN E SENATIT AKADEMIK
NR. 15, DATË 30/08/2021

(Ndryshuar me Vendimin e Senatit Akademik Nr. 27/2 datë 07/02/2024)



Parathënie

Universiteti i Arteve si institucioni i parë dhe i vetëm i fushave të arteve, përfshin në trashëgiminë e vet të vyer, eksperiencën e shkëlqyer të Konservatorit të Muzikës të krijuar në vitin 1962, Institutit të Arteve të Bukura të krijuar në vitin 1959, Shkollës së Teatrit të krijuar në vitin 1959 dhe së bashku krijuan Institutit të Lartë të Arteve të krijuar në vitin 1966 dhe më pas u riemërua Akademia e Arteve në vitin 1991, sot Universiteti i Arteve.


Universiteti i Arteve si institucioni i vetëm publik i arsimit të lartë me karakter akademik, artistik dhe shkencor me veprimtari në fushën e arteve, është krijuar me Vendim të Këshillit të Ministrave Nr. 234, datë 23.03.2011.

Universiteti i Arteve si institucioni i vetëm publik i arsimit të lartë me karakter akademik, artistik dhe shkencor me veprimtari në fushën e arteve gëzon status të veçantë në zbatim të VKM-së Nr. 145, datë 10.03.2021, "*Për dhënien e Statusit të veçantë Universitetit të Arteve si institucioni i vetëm publik i arsimit të lartë në fushën e arteve në Republikën e Shqipërisë*".

Universiteti i Arteve përmbledh një tërësi vlerash artistike, kulturore, akademike dhe shoqërore, të krijuara dhe formësuara prej një kohe të gjatë e prej një mori brezash të njëpasnjëshëm të pedagogëve, studentëve, artistëve e personaliteteve nga më të shquarat në Shqipëri.

Universiteti i Arteve është nxitës dhe nismëtar i zhvillimeve artistike e kulturore në Shqipëri dhe në gjithë hapësirat e banuara nga shqiptarët por edhe më gjerë, për të përmbushur ruajtjen, mbrojtjen dhe pasurimin e trashëgimisë kulturore të popullit shqiptar, me qëllim rritjen e kontributit tonë për shtimin e vlerave kulturore në hapësirat gjeografike e politike evropiane e botërore.

Universiteti i Arteve është vlerësuar dhe ka zënë një vend të denjë ndër institucionet arsimore artistike e shkencore në vend.



1. Administratori i UART, përveç sa është përcaktuar në ligj ushtron edhe këto funksione:
 - a. Zbaton të gjitha vendimet e Senatit Akademik dhe Bordit të Administrimit me karakter financiar dhe administrativ, me përjashtim të atyre që haptazi vijnë në kundërshtim me ligjin.
 - b. Drejton personelin administrativ të UART për të koordinuar veprimtarinë e përditshme për përmbushjen e detyrave në mënyrë të tillë që formulimi dhe zbatimi i politikës së UART të jetë i mirë koordinuar dhe veprimtaria e stafit të përmbushet si duhet dhe në kohën e përcaktuar.
 - c. Administratori nënshkruan kontratat e punës me: strukturën e auditimit të brendshëm, strukturën ekonomike, strukturën e investimeve, strukturën e prokurimeve dhe strukturën e shërbimeve, në Universitetin e Arteve, të përcaktuara në nenin 46 të këtij Statuti.
 - d. Miraton planet vjetore të punës së njësive në varësi të tij/saj strukturore e funksionale dhe kontrollon realizimin e tyre.
 - e. Nxjerr urdhra dhe akte të tjera në funksion të drejtimit të veprimtarisë administrative e financiare brenda UART.
 - f. Ushtron funksionet dhe përgjegjësitë e Titullarit të Autoritetit Kontraktor-Universiteti i Arteve, bazuar në legjislacionin në fuqi për prokurimet publike. Gjatë ushtrimit të këtyre përgjegjësiave, urdhëron, kur është e nevojshme, të ngrihen grupet e punës për kryerjen e detyrave specifike me karakter teknik në secilin Fakultet, në ndihmë të njësive përgjegjëse për prokurimet.
 - g. Koordinon punën për përgatitjen nga UART të programit buxhetor afatmesëm 3-vjeçar për Universitetin e Arteve. Harton projektbuxhetin vjetor, mbi bazën e propozimeve të njësive kryesore dhe të njësive bazë, mbështetur në planin strategjik të zhvillimit të miratuar nga Rektori dhe në planin buxhetor afatmesëm të tij.
 - h. Propozon në Bordin e Administrimit të UART ndryshimin e destinacionit të fondeve nga një njësi shpenzuese në një tjetër.
 - i. Miraton në BA të UART detajimin e fondeve buxhetore, të shpërndara për UART.
 - j. Shqyrton kërkesat dhe miraton në BA të UART rishpërndarjet brenda të njëjtit artikull buxhetor të shpenzimeve korrente dhe respekton limitet buxhetore të miratuara nga BA sipas përcaktimeve ligjore në fuqi.
 - k. I paraqet Bordit të Administrimit dhe Senatit Akademik raportin mbi veprimtarinë financiare të institucionit të arsimit të lartë, në përfundim të vitit kalendarik.
 - l. Administratori mund të delegojë një ose disa nga detyrat e tij tek organet vartëse, sipas rregullave që parashikon Kodi i Procedurave Administrative në RSH dhe legjislacioni në fuqi.
 - m. Siguron realizimin e kërkesave me karakter administrativ dhe financiar të Senatit Akademik dhe Rektorit, me qëllim përmbushjen e nevojave akademike, administrative dhe financiare.
 - n. I paraqet Bordit të Administrimit për miratim listën e studentëve për bursa, përjashtime/reduktim nga tarifat e shkollimit sipas VKM-ve në fuqi si dhe efektin financiar nga zbatimi i këtyre vendimeve.
 - o. Në bashkëpunim të ngushtë me strukturat akademike propozon studime për zhvillimin perspektiv të UART;
 - p. Në bashkëpunim të ngushtë me strukturat akademike dhe administrative merr pjesë në organizimin e studimit të tregut në lidhje me shërbimet ndaj të tretëve, që mund të ofrojnë njësitë bazë të UART;
 - q. Në bashkëpunim të ngushtë me strukturat akademike dhe administrative të Universitetit, dhe në përputhje me kriteret dhe objektivat e përcaktuara në strategjinë e zhvillimit të UART, harton dhe ndjek realizimin e një plani afatmesëm/afatgjatë me detyra të sakta e me afate kohore, për gjenerimin e të ardhurave alternative, duke synuar rritjen graduale të pavarësisë financiare, përmes rritjes së përqindjes së të ardhurave të Universitetit në



- totalin e buxhetit të tij.
2. Funksione të tjera të Administratorit përcaktohen në Rregulloren e UART dhe në akte të tjera të UART.

Neni 52

Njësi ndihmëse me karakter administrativ

1. Në varësi të administratorit funksionojnë dhe struktura ndihmëse me karakter administrativ, në nivel universiteti të cilat përbëhen nga personel administrativ. Ato përcaktohen nga aktet nënligjore në fuqi, si dhe nga ky statut.
2. Mënyra e funksionimit të strukturave të lartpërmendura përcaktohet në Rregulloren e Universitetit të Arteve.
3. Pranë çdo njësie kryesore funksionojnë struktura ndihmëse me karakter administrativ, të cilat përcaktohen në strukturën dhe në Rregulloren e çdo njësie kryesore.

KREU V

PERSONELI I UNIVERSITETIT TË ARTEVE

Neni 53

Personeli i Universitetit

1. Personeli i Universitetit të Arteve përbëhet nga personeli akademik, personeli ndihmës akademik dhe personeli administrativ. Personeli mund të jetë i punësuar me kontratë, me kohëzgjatje të pacaktuar ose të caktuar, si edhe me angazhim me kohë të plotë ose me kohë të pjesshme.
2. Personeli akademik, ndihmës akademik dhe administrativ gëzon të gjitha të drejtat dhe detyrimet e përcaktuara në aktet ligjore dhe nënligjore në fuqi, rregulloren e UART si dhe në kontratën e lidhur ndërmjet tij dhe Universitetit të Arteve.
3. UART krijon për të gjithë personelin e tij kushte, mundësi dhe shanse të barabarta për zhvillimin e personalitetit, karrierës profesionale si dhe të kushteve të punës.

Neni 54

Statusi i personelit akademik

1. Personeli akademik gëzon status dhe trajtim të veçantë, në përputhje me aktet ligjore dhe nënligjore në fuqi si dhe në zbatim të VKM-së Nr. 145, datë 10.03.2021, "Për dhënien e Statusit të veçantë Universitetit të Arteve si institucioni i vetëm publik i arsimit të lartë në fushën e arteve në Republikën e Shqipërisë".
2. UART mund të kontribuojë në trajtimin financiar të personelit akademik, krahas përfitimeve nga Buxheti i Shtetit. Aspekte të trajtimit financiar si dhe përfitime të tjera për personelin akademik, përcaktohen nga Bordi i Administrimit, me propozim të Rektoratit.

Neni 55

Kategoritë e personelit akademik

1. Personeli akademik kryen veprimtari të mësimdhënies, të kërkimit artistik dhe shkencor, shërbime për mbështetje dhe zhvillim të universitetit, këshillim për studentët, si dhe veprimtari të tjera.
2. Personeli akademik mund të jetë me drejtim mësimor dhe/ose kërkimor artistik/shkencor.
- Personeli akademik, sipas rolit dhe veprimtarisë që kryen, kategorizohet në:



- a) profesor;
 - b) lektor;
 - c) asistent-lektor.
3. Në kategorinë “Profesor” përfshihen anëtarët e personelit akademik, titullarë të lëndëve ose moduleve dhe udhëheqës të veprimtarisë artistike-kërkimore-shkencore. Anëtarët e personelit akademik të kësaj kategorie mbajnë titujt akademikë “Profesor” ose “Profesor i asociuar”. Kjo kategori punësohet me kontratë me kohëzgjatje të pacaktuar.
- 3/1. Në Universitetin e Arteve, si institucion i arsimit të lartë me status të veçantë me veprimtari në fushën e arteve, në zbatim të legjislacionit në fuqi jepen edhe titujt akademikë “Profesor në Arte” dhe “Profesor i Asociuar në Arte”.
- 3/2. Anëtarët e personelit akademik që kanë fituar titullin akademik “Profesor në Arte”, ekuivalent me “Profesor”, dhe “Profesor i Asociuar në Arte”, ekuivalent me “Profesor i Asociuar”, do të gëzojnë të njëjtat të drejta si mbajtësit e titujve “Profesor” dhe “Profesor i Asociuar” vetëm për efekt të mësimdhënies dhe atë financiar, pa gëzuar të drejtën e të zgjedhurit apo emëruarit në pozicione që kërkojnë personel akademik nga kategoria “Profesor”, apo të caktimit si udhëheqës shkencor.
- 3/3. Titujt akademikë “Profesor në Arte” dhe “Profesor i Asociuar në Arte” kanë vlefshmëri vetëm dhe për sa kohë mbajtësit e këtyre titujve janë personel akademik me kohë të plotë pranë Universitetit të Arteve.
4. Në kategorinë “Lektor” përfshihen anëtarët e personelit akademik që zhvillojnë veprimtari mësimore dhe artistike-kërkimore-shkencore. Në këtë kategori përfshihen anëtarët e personelit akademik që mbajnë gradën shkencore “Doktor”, si dhe kanë së paku tre vite përvojë në mësimdhënie para ose pas fitimit të kësaj grade. Kjo kategori punësohet me kontratë me kohëzgjatje të pacaktuar.
5. Në kategorinë “Asistent-lektor” përfshihen anëtarët e personelit akademik që zhvillojnë veprimtari mësimore-artistike-kërkimore-shkencore. Ata duhet të kenë së paku diplomën “Master i Shkencave”/“Master i Arteve” ose një diplomë të ciklit 4-vjeçar. Asistent-lektori punësohet me kontratë me kohëzgjatje të caktuar.
6. Personeli akademik, që angazhohet në mësimdhënie, duhet të ketë të paktën kualifikim të ciklit pasardhës. Ngarkesa e plotë mësimore për personelin akademik përcaktohet nga strukturat përgjegjëse, në përputhje me udhëzimin përkatës të ministrit përgjegjës për arsimin.
7. Personeli akademik, që angazhohet në mësimdhënie, duhet të ketë të paktën kualifikim të ciklit pasardhës. Në UAR si një IAL me natyrë të veçantë, për lëndët e formimit artistik me propozim nga njësia bazë dhe me vendim të njësisë kryesore angazhohen në mësimdhënie edhe staf akademik me të njëjtin cikël studimi. Ngarkesa e plotë mësimore për personelin akademik përcaktohet nga strukturat përgjegjëse, në përputhje me udhëzimin përkatës të ministrit përgjegjës për arsimin.
8. Raportet ndërmjet veprimtarive të ndryshme për personelin akademik, të përcaktuara në pikën 1, të këtij neni, përcaktohen në kontratën individuale vjetore nga njësia bazë.

Neni 56

Punësimi i personelit akademik me kohë të plotë

1. Punësimi realizohet me procedurë të konkurrimit të hapur përmes një procesi transparent, të paanshëm dhe objektiv.
2. Kandidatët duhet të plotësojnë këto kritere të përgjithshme:
 - a) Të kenë zotësi të plotë për të vepruar.
 - b) Të zotërojnë formim universitar si dhe aftësitë e nevojshme profesionale për vendin e punës për të cilin konkurrojnë.




- c) Të kenë përfunduar studimet Master Shkencor/Master i Arteve dhe/ose doktoratë në të njëjtën fushë.
 - d) Të mos jenë dënuar me vendim të formës së prerë të gjykatës për kryerjen e një vepre penale me dashje;
 - e) Të mos jetë marrë ndaj tyre masa disiplinore e largimit nga puna.
3. Njësia bazë, mbështetur në nevojat e saj, përcakton kritere të veçanta shtesë për vendet e punës, mbështetur mbi kategorinë e personelit që kërkohet të punësohet, të cilat miratohen nga Rektori. Kriteret e punësimit i përcillen Rektorit nga Drejtuesi i njësisë kryesore.
 4. Rektori i UART bën shpalljen përkatëse në faqet zyrtare të internetit. Përcaktimet mbi mënyrën e hartimit të kritereve dhe mënyra e shpalljes së vendeve të punës përcaktohen në Rregulloren e UART.
 5. Drejtuesi i njësisë kryesore krijon komisionin *ad hoc* për përzgjedhjen e kandidatëve fitues. Komisioni *ad hoc* përbëhet nga pesë anëtarë që i përkasin se paku kategorisë lektor:
 - a) 2 dy anëtarë përzgjidhen nga njësia bazë, në të cilën është shpallur procedura e konkurrimit;
 - b) 2 dy anëtarë përzgjidhen nga Drejtuesi i njësisë kryesore, ku së paku njëri prej tyre duhet të jetë anëtar i njësisë bazë, i cili ka shpallur procedurën e konkurrimit;
 - c) 1 një anëtar caktohet nga Rektori i Universitetit, me kërkesë të Drejtuesit të njësisë kryesore.
 6. Kryesues i Komisionit caktohet nga Drejtuesi i Njësisë Kryesore.
 7. Komisioni, në bazë të dokumentacionit të paraqitur, por jo më vonë se 10 (dhjetë) ditë kalendrike nga data e mbylljes së pranimt të tyre, bën verifikimin paraprak të kandidatëve që përmbushin kërkesat e përgjithshme dhe të veçanta, të përcaktuara në shpalljen për konkurrim. Vlerësimi i kandidaturave përfshin dy faza të njëpasnjëshme, që janë:
 - a) vlerësimi i dosjes
 - b) intervista dhe mësimdhënia.
 Vetëm kandidatët e kualifikuar nga faza e shqyrtimit të dosjeve i nënshtrohen intervistës dhe mësimdhënies. Komisioni, brenda tri ditëve pune nga dita e zhvillimit të intervistës, shpall kandidatin/kandidatët fitues. Konkurrimi zhvillohet në mjediset e njësisë kryesore ku edhe shpallen kandidatët fitues, shoqëruar dhe me publikimin në faqen zyrtare të njësisë kryesore.
 8. Komisioni *ad hoc* i paraqet kandidatin/kandidatët fitues Rektorit të UART përmes Drejtuesit të njësisë kryesore. Rektori, brenda 10 ditëve nga shpallja e kandidatit/kandidatëve fitues, nëse nuk ka ankime, nënshkruan kontratën e punës me të/ta. Efektet e marrëdhënieve të punës fillojnë nga data e përcaktuar në kontratën e punës me të/ta.

Neni 57

Punësimi i personelit akademik me kohë të pjesshme

1. Njësitë kryesore me propozim të njësive bazë, të cilat përcaktojnë nevojat e tyre për personelin akademik, i kërkojnë Rektorit miratimin e personelit akademik me kontratë të përkohshme. Rektori duke u mbështetur në propozimet e njësive kryesore, bazuar në planet mësimore të miratuara si dhe numrin e studentëve, miraton çdo vit listën emërore të personelit akademik me kontratë të përkohshme.
2. Vendet e punës për personelin akademik fitohen me konkurrim sipas akteve ligjore dhe nënligjore në fuqi. Konkursi në UART drejtohet nga një komision "*ad-hoc*", i përbërë në shumicë nga përfaqësues të njësisë bazë përkatëse.
3. Kontrata e përkohshme nënshkruhet nga Rektori për një punë të caktuar ose për një periudhë kohë të caktuar.
4. Rregulla më të hollësishme për mënyrën e konkurrimit për personelin akademik me kontratë përcaktohen në Rregulloren e UART.
5. Personalitetet e fushës së Arteve, me propozim të njësive bazë dhe me kërkesë të Njësisë




NR.PROT. 1325/1
DATË 11.3. 2021

MINISTRISË SË ARSIMIT, SPORTIT DHE RINISË
UNIVERSITETIT TË ARTEVE
QENDRËS SË BOTIMEVE ZYRTARE

Sekretari i Përgjithshëm

Engjell AGAÇI





REPUBLIKA E SHQIPËRISË

UNIVERSITETI I ARTEVE
BORDI I ADMINISTRIMIT

Nr. 144 Prot.

Tiranë, më 30 /01/2024

VENDIM

Nr. 24 /, DATË 30 /01/2024

1 MBI

**“MIRATIMIN E NDRYSHIMEVE NË STATUTIN E UNIVERSITETIT TË ARTEVE
SIPAS VENDIMIT TË SENATIT AKADEMIK NR. 2, DATË 10.01.2024”**

Bordi i Administrimit të Universitetit të Arteve, në mbështetje të ligjit nr. 80/2015 “Për Arsimin e lartë dhe kërkimin shkencor në institucionet e arsimit të lartë në Republikën e Shqipërisë”, neni 33, pika 2 dhe neni 49, të Statutit të Universitetit të Arteve, neni 48 dhe neni 148, pika 5 si dhe të shkresës nr. 1065/3, datë 26.01.2024 të Kryetarit të Senatit Akademik, Prof. Kastriot ÇAUSHI nëpërmjet të cilit përcillet Vendimi i Senatit Akademik nr. 2, datë 10.01.2024 “Mbi miratimin e disa ndryshimeve në Statutin e Universitetit të Arteve”, pas shqyrtimit dhe diskutimeve,

V E N D O S I:

1. Miratimin në tërësi të ndryshimeve në Statutin e Universitetit të Arteve, sipas tekstit të miratuar me Vendim të Senatit Akademik nr. 2, datë 10.01.2024 “Mbi miratimin e disa ndryshimeve në Statutin e Universitetit të Arteve”, bashkëlidhur vendimit.

Ky vendim hyn në fuqi menjëherë.

BORDI I ADMINISTRIMIT I UNIVERSITETIT TË ARTEVE

Lavdrim SAHITAJ

(Kryetar)

Prof. Besnik Bisha


(Anëtar)

Jeton SHEHU




(Anëtar)

Prof.Asoc.Dr. Sokol SARAÇI



(Anëtar)

Ergis SEFA




(Anëtar)

Lorenc VANGJELI

(Anëtar)

Vladimir Ljakaj



(Anëtar)



REPUBLIKA E SHQIPËRISË
UNIVERSITETI I ARTEVE
SENATI AKADEMIK
KRYETARI

Nr. 1065/Prot.
3

Tiranë, më 26.01.2024

Lënda: Përcillet VSA nr. 2, datë 10.01.2024 "Mbi miratimin e disa ndryshimeve në Statutin e Universitetit të Arteve"

**BORDIT TË ADMINISTRIMIT
UNIVERSITETI I ARTEVE**

Të nderuar,

Mbështetur në nenin 148, pika 5 të Statutit të Universitetit të Arteve, duke qenë se teksti i miratuar nga Senati Akademik me VSA nr. 2, datë 10.01.2024 "Mbi miratimin e disa ndryshimeve në Statutin e Universitetit të Arteve" paraqet ndryshime krahasuar me tekstin e miratuar nga Bordi i Administrimit me VBA nr. 27, datë 04.12.2023 "Mbi miratimin paraprak të disa ndryshimeve në Statutin e Universitetit të Arteve", në cilësinë e kryetarit të Senatit Akademik të Universitetit të Arteve, ju përcjell bashkëlidhur Vendimin e Senatit Akademik, ku paraqiten ndryshimet përkatëse.

Përveç të tjerave që i kemi detajuar në materialin e Vendimin nr. 2 të Senatit Akademik, gjithashtu Ju bëjmë me dije që në nenin 67, pika 11 të Vendimit Nr. 27 të Bordit të Administrimit, është bërë një shtojcë në fund të fjalisë, duke shtuar togfjalëshin "/Profesor i Asociuar". Kjo shtojcë u bë me qëllim që personelit akademik i cili aktualisht mban titullin "Profesor i Asociuar", t'i jepet mundësia për të fituar titullin "Profesor në Arte".

Duke ju falenderuar për bashkëpunimin,

Prof. Kastriot CAUSHI

SENATI AKADEMIK
KRYETARI



REPUBLIKA E SHQIPËRISË

UNIVERSITETI I ARTEVE
SENATI AKADEMIK

Nr. 1065 / Prot.
2

Tiranë, më 10 /01/2024

VENDIM

Nr. 2, DATË: 10 /01/2024

MBI


“MIRATIMIN E DISA NDRYSHIMEVE NË STATUTIN E UNIVERSITETIT TË ARTEVE”

Në mbështetje të ligjit nr. 80/2015 “Për Arsimin e lartë dhe kërkimin shkencor në institucionet e arsimit të lartë në Republikën e Shqipërisë”, neni 3, pika 2, gërma (c) (Liria akademike dhe autonomia e institucioneve të arsimit të lartë), neni 33, pika 2 (Statuti dhe rregullorja e institucioneve të arsimit të lartë), neni 38 (Funksionet e Senatit Akademik), të Statutit të Universitetit të Arteve, neni 24 (Funksionet e Senatit Akademik), neni 148 (Procedura e ndryshimit të Statutit) si dhe në vendimin e Bordit të Administrimit nr. 27, dt. 04.12.2023, “Mbi miratimin paraprak të disa ndryshimeve në Statutin e Universitetit të Arteve”, pas shqyrtimit dhe diskutimeve, Senati Akademik i UART,

VENDOSI:

1. Rrëzimin e kriterëve për fitimin e titujve akademikë ekuivalent: “Profesor i Asociuar në Arte” me titullin “Profesor i Asociuar” dhe “Profesor në Arte” me titullin “Profesor”, të parashikuara në pikat 2 (dy) deri në 10 (dhjetë) të nenit 67 të vendimit të Bordit të Administrimit nr. 24, dt. 04.12.2023, “Mbi miratimin paraprak të disa ndryshimeve në Statutin e Universitetit të Arteve”. Kriteret për fitimin e titujve ekuivalent do të propozohen nga Dekanatet e Fakulteteve në UART për secilin program studimi që ato ofrojnë dhe do të miratohen nga Senati Akademik i Universitetit të Arteve, si pjesë përbërëse e rregullore së Komisionit të Përhershëm për Promovimin e Personelit Akademik.
2. Rrëzimin e pikës 8 (tetë), të nenit 33 të vendimit të Bordit të Administrimit nr. 24, dt. 04.12.2023, “Mbi miratimin paraprak të disa ndryshimeve në Statutin e Universitetit të Arteve”.
3. Miratimin e ndryshimeve në Statutin e Universitetit të Arteve.

Ndryshimet do të paraqiten me gërma italiane dhe do të jenë të nënvizuara, si më poshtë vijon:



Neni 13, pika 6, gërma k, shtohet një togfjalësh pas "Profesor i asociuar":

"k) Vlerëson, miraton ose jo dosjet e kandidatëve për fitimin e titullit akademik "Profesor" ose "Profesor i asociuar" si dhe titujt akademikë ekuivalent me to. Dosjet që plotësojnë kriteret ja përcjell Komisionit të Përhershëm për Titujt Akademikë, në përputhje me rregullat e posaçme të përcaktuara me akte ligjore dhe nënligjore në fuqi dhe me rregulloren e funksionimit të Komisionit të Përhershëm për Titujt Akademikë."

Neni 22, shtohet pika 6.1., me këtë përmbajtje:

"6.1. Anëtarët e KJZ-it, të KZF dhe të Komisionit të Apelit, të cilët përfshihen në procesin e organizimit dhe zhvillimit të zgjedhjeve për autoritetet drejtuese dhe Senatit Akademik në Universitetin e Arteve, shpërblehen për punën që bëjnë në masën e një page mujore për vitin që angazhohen në zgjedhje. Shpërblimi miratohet me vendim të Bordit të Administrimit të UART".

Neni 24, pika 1, gërma u, fjala "i Përhershëm" zëvendësohet me "Ad Hoc":

"u) Ngre Komisionin Ad Hoc për ekuivalentimin e kualifikimit për personelin akademik krijues dhe interpretues me punën kërkimore-shkencore në zbatim të VKM-së nr. 145, datë 10.03.2021, për promovimin e personelit akademik me gradë shkencore."

Neni 27, pika 1, gërma f, shtohet një togfjalësh:

"f) Nënshkruan titujt akademikë "Profesor" dhe "Profesor i asociuar" si dhe titujt akademikë ekuivalent me to, pas miratimit të tyre."

Neni 30, pika 3 riformulohet dhe në pikën c bëhen këto ndryshime:

"Senati Akademik ngre komisionet e përhershme si më poshtë:

- a) Komisioni i Promovimit të Personelit Akademik.
- b) Komisioni i Sigurimit të Standardeve të Cilësisë.
- c) Komisioni i Mbarëvajtjes së Veprimtarisë dhe Marrëdhënieve me Studentët."

Neni 31, pikës I i shtohet një togfjalësh pas "Profesor i asociuar" si dhe shtohet pika 7 dhe 8 me këtë përmbajtje:

"1. Komisioni i Përhershëm për Promovimin e Personelit Akademik, është struktura përgjegjëse për dhënien e titujve "Profesor" dhe "Profesor i asociuar" si dhe titujt akademikë ekuivalent me to në Universitetin e Arteve, në përputhje me legjislacionin në fuqi."

"7. Komisioni për vlerësimin e dhënies së titujve akademikë në Universitetin e Arteve, ka kompetencë të plotë në verifikimin e dokumentacionit të depozituar prej secilit aplikant, duke u mbështetur në kriteret përkatëse dhe mban përgjegjësi për çdo vlerësim të tyre."

"8. Rregullime të tjera mbi procedurën për dhënien e titujve akademikë parashikohen në rregulloren e organizimit dhe funksionimit të Komisionit Për Promovimin e Personelit Akademik."

Neni 33, fjala "i Përhershëm" në titull si dhe në pikën 1 zëvendësohet me "Ad Hoc" dhe shtohet pika 7 me përmbajtje si më poshtë:

"Neni 33

Komisioni *Ad Hoc* për Ekuivalentimin e gradës shkencore për Personelin Akademik me kohë të plotë dhe atij të ftuar në zbatim të VKM-së Nr. 145, datë 10.03.2021, "Për dhënien e Statusit të veçantë Universitetit të Arteve si institucioni i vetëm publik i arsimit të lartë në fushën e arteve në Republikën e Shqipërisë"

1. Komisioni *Ad Hoc* për ekuivalentimin e gradës shkencore për Personelin Akademik me kohë të plotë dhe atij të ftuar në zbatim të VKM-së Nr. 145, datë 10.03.2021, "Për dhënien e Statusit të veçantë Universitetit të Arteve si institucioni i vetëm publik i arsimit të lartë në fushën e arteve në Republikën e Shqipërisë", ngrihet me vendim të posaçëm të Senatit Akademik të UART.


7. Anëtarët e Komisionit Ad Hoc për Ekuivalentimin e gradës shkencore për personelin akademik me kohë të plotë dhe atë të ftuar shpërblehen financiarisht për punën e kryer në masën e një page mujore në vit sipas kategorisë. Shpërblimi miratohet nga Bordi i Administrimit i Universitetit të Arteve.

Neni 34, bëhen këto ndryshime, para togfjalëshit "Marrëdhënieve me Studentët" në titull si dhe në pikën 1, shtohet togfjalëshi "Mbarëvajtjes së Veprimtarisë dhe":

"Neni 34

Komisioni i *Mbarëvajtjes së Veprimtarisë dhe Marrëdhënieve me Studentët*"

"1. Komisioni i *Mbarëvajtjes së Veprimtarisë dhe Marrëdhënieve me Studentët* ngrihet për të garantuar dhe për të zhvilluar marrëdhëniet e bashkëpunimit midis organeve drejtuese të Universitetit të Arteve dhe të studentëve dhe/apo organizmave studentorë. Komisioni përbëhet nga 7 anëtarë, nga të cilët 3 janë anëtarë pjesë e personelit akademik dhe 3 anëtarë përfaqësues të studentëve dhe 1 specialisti i kurrikulës dhe informimit të studentëve. Anëtarët përfaqësues të studentëve dhe anëtarët përfaqësues të personelit akademik vetëkandidohen dhe zgjidhen nga Senati akademik për një mandat dyvjeçar, me të drejtë rizgjedhjeje."



Neni 55, pas pikës 3 shtohen pikat 3.1., 3.2. dhe 3.3. me këtë përmbajtje, ndërsa pikat e tjera të këtij neni mbetet me të njëjtën renditje dhe të pandryshuara:

“3.1. Në Universitetin e Arteve, si institucion i arsimit të lartë me status të veçantë me veprimtari në fushën e arteve, në zbatim të legjislacionit në fuqi jepen edhe titujt akademikë “Profesor në Arte” dhe “Profesor i Asociuar në Arte”.

3.2. Anëtarët e personelit akademik që kanë fituar titullin akademik “Profesor në Arte”, ekuivalent me “Profesor”, dhe “Profesor i Asociuar në Arte”, ekuivalent me “Profesor i Asociuar”, do të gëzojnë të njëjtat të drejta si mbajtësit e titujve “Profesor” dhe “Profesor i Asociuar” vetëm për efekt të mësimdhënies dhe atë financiar, pa gëzuar të drejtën e të zgjedhurit apo emëruarit në pozicione që kërkojnë personel akademik nga kategoria “Profesor”, apo të caktimit si udhëheqës shkencor.

3.3. Titujt akademikë “Profesor në Arte” dhe “Profesor i Asociuar në Arte” kanë vlefshmëri vetëm dhe për sa kohë mbajtësit e këtyre titujve janë personel akademik me kohë të plotë pranë Universitetit të Arteve.”

Neni 58, pika 4, pas fjalës “Komisioni”, bëhet zëvendësimi i fjalës “i Përhershëm” me “Ad Hoc”:

“4. Për personelin akademik të ftuar, të vlerësuar nga Komisioni *Ad Hoc* për Ekuivalentimin e Personelit Akademik me kohë të plotë dhe atij të ftuar në zbatim të VKM-së Nr. 145, datë 10.03.2021, “Për dhënien e Statusit të veçantë Universitetit të Arteve si institucioni i vetëm publik i arsimit të lartë në fushën e arteve në Republikën e Shqipërisë” dhe të miratuar nga Senati Akademik, rektori i UART lidh kontratën e punës.”

Neni 59, pika 1, pas fjalës “Profesor” shtohet togfjalëshi “apo titullin ekuivalent “Profesor në Arte” dhe pas togfjalëshit “Profesor i Asociuar”, shtohet tografjalëshi “apo titullin ekuivalent “Profesor i Asociuar në Arte”:

“1. Personeli akademik, që mban titullin “Profesor” apo titullin ekuivalent “Profesor në Arte” shërben në detyrë deri në moshën 68 vjeç, ndërsa personeli akademik që mban titullin “Profesor i asociuar” apo titullin ekuivalent “Profesor i Asociuar në Arte” shërben në detyrë deri në moshën 65 vjeç. Personeli akademik i kategorisë lektor qëndron në detyrë deri në moshën e pensionit në përputhje me legjislacionin përkatës. Në të gjitha rastet, ndërprerja e detyrës bëhet jo më përpara se përfundimi i vitit akademik.”

Neni 63, pika 9, në fund të paragrafit shtohet një fjali si dhe pika 15, pas fjalës “Profesor”, shtohet një togfjalësh:

“9. Organizimi i punës artistike-kërkimore-shkencore realizohet në përputhje me planifikimin që secili departament bën në fillim të vitit akademik. Puna artistike-kërkimore-shkencore realizohet nga të gjitha kategoritë e personelit akademik në përputhje me ndarjen që ka realizuar departamenti për këtë qëllim dhe drejtohet nga kategoria e personelit akademik “Profesor”. Departamenti, në organizimin e punës artistike, angazhon personel

akademik mbajtës të titujve akademikë "Profesor i Asociuar në Arte" dhe "Profesor në Arte".

"15. Personeli akademik i kategorisë "Profesor" si dhe ekuivalent me të "Lektor" mund të gjenerojë (hartojë, aplikojë, zbatojë) projekte mësimore artistike, kërkimore nga burime të ndryshme brenda dhe jashtë vendit në përputhje me objektin e veprimtarisë së njësisë bazë ku bën pjesë dhe mbështetur në këtë Statut dhe gjithë akteve ligjore dhe nënligjore në fuqi."

Neni 67, shtohen pikat 2 - 4, ndërsa pika 2 merr numrin 5, me këtë përmbajtje:

"2. Aplikimi për fitimin e titullit "Profesor i asociuar në Arte", ekuivalent me "Profesor i asociuar" dhe "Profesor në Arte", ekuivalent me "Profesor", nga personeli akademik me kohë të plotë pranë Universitetit të Arteve, bëhet në zbatim të VKM-së nr. 145, dt. 10.03.2021 "Për dhënien e Statusit të veçantë Universitetit të Arteve si institucioni i vetëm publik i arsimit të lartë në fushën e arteve në Republikën e Shqipërisë", si dhe mbështetur në kriteret e miratuara nga Senati Akademik.

3. Personeli akademik, i cili ka titullin "Profesor i asociuar në Arte", aplikon për fitimin e titullit "Profesor në Arte", të paktën, 5 (pesë) vite pas fitimit të titullit "Profesor i asociuar në Arte". "Profesor i Asociuar".

4. Fitimi i titullit "Profesor i asociuar në Arte" dhe "Profesor në Arte" do të shoqërohet me efekte financiare sipas titullit akademik ekuivalent.

5. Veprimtaria e Komisionit të Përhershëm për Promovimin e Personelit Akademik rregullohet përmes rregullores së tij të brendshme, e cila miratohet nga Senati Akademik, në përputhje me aktet ligjore dhe nënligjore në fuqi."

Ky vendim hyn në fuqi menjëherë.

SENATI AKADEMIK I UNIVERSITETIT TË ARTEVE

Prof. Kastriot ÇAUSHI

Prof. Najada HAMZAJ

Prof. Dr. Isak SHEHU

Prof. Hiri MARTINI

Prof. Artan PEQINI

Prof. Vladimir MYRTEZAJ (GROSHA)



Prof. Arben LLOZI



Prof. Asoc. Dr. Artan IBËRSHIMI



Prof. Asoc. Dorian ÇENE

Prof. Gazmend GJOKA

Prof. Asoc. Dr. Kastriot TUSHA




Prof. Dr. Erald BAKALLI



Prof. Endri SINA

Prof. Asoc. Edmond GJKOPULLI



Prof. Asoc. Albes FUSHA



Prof. Asoc. Zamir KOKONOZI



Prof. Asoc. Genci FUGA

Erlind FUSHA (Student FAB)



Sindi ZDRAVA (Studente FM)

